

**ZAPISNIK
SA VII SJEDNICE UPRAVNOG ODBORA
UDRUŽENJA POSLODAVACA FBiH**

održane dana 27.02.2017. godine (ponedjeljak), sa početkom u 11:00 časova u hotelu „Bosnia“, Kulovića br.9, u Sarajevu.

Sjednici su prisustvovali članovi Upravnog odbora UPFBiH: Adnan Smailbegović, Milenko Čolak, Rusmir Hrvić, Snježana Kopruner, Adisa Karahodžić, Suhad Ećo, Nurdin Peštalić, Ramiz Grapkić, Nijaz Skenderagić, Tomislav Slišković, Kemal Čolak, Eldin Hadžiselimović, Kemal Hrnjić i Izet Imamović.

Sjednici su po ovlaštenju članova Upravnog odbora UPFBiH prisustvovali: Željko Marjanović (po ovlaštenju Vilima Primorca).

Sjednici nisu prisustvovali članovi Upravnog odbora UPFBiH: Safudin Čengiđ, Sanel Kusturica, Željko Marijan, Marin Raspudić, Ante Suton, Enisa Bekto, koji su opravdali svoj izostanak.

Sjednici su prisustvovali zamjenici predsjednika Skupštine UPFBiH: Mirko Vincetić i Salem Ekmešćić.

Na sjednici su pored članova UO prisustvovali i članovi ESV-a za teritoriju FBiH: Midhat Terzić, Mladen Pandurević, Edin Ibrahimpašić, Džambić Senad, Zoran Gazibarić, Josip Kraljević.

Sjednici su prisustvovali i predsjednici i članovi Grupacija poslodavaca.

Ispred UPFBiH: Mladen Pandurević i Jasmina Kurspahić.

Sjednicu je otvorio predsjednik Upravnog odbora UPFBiH Adnan Smailbegović.

Adnan Smailbegović je predložio slijedeći:

DNEVNI RED

1. Usvajanje Zapisnika sa VI redovne sjednice UO;
2. Razmatranje materijala za sjednicu ESV- a:
 - a) Informacija o trenutnom stanju Općeg kolektivnog ugovora za teritoriju Federacije BiH i granskih kolektivnih ugovora;
 - b) Prednacrt Zakona o porezu na dohodak;
 - c) Prednacrt Zakona o doprinosima;
 - d) Nacrt Zakona o stečaju (sa osvrtom na Odluku Ustavnog suda Federacije BiH na prethodni Zakon);

- e) Izvještaj o radu ESV-a u 2016. godini.
3. Razmatranje i usvajanje Amandmana Udruženja poslodavaca FBiH na Zakon o privrednim društvima;
 4. Održavanje XVI redovne Skupštine UPFBiH i svečane Skupštine povodom obilježavanja 15. godina rada UPFBiH;
 - a) Razmatranje i usvajanje Odluke o utvrđivanju termina, mjesta i dnevnog reda za održavanje XVI Skupštine UPFBiH;
 - b) Razmatranje i usvajanje Odluke o održavanju svečane Skupštine povodom obilježavanja 15 godina postojanja UPFBiH;
 - c) Određivanje sastava delegata za Skupštinu;
 - d) Razmatranje i usvajanje Odluke o imenovanju Organizacionog odbora;
 - e) Razmatranje i usvajanje Odluke o imenovanju Komisije za dodjelu priznanja;
 - f) Razmatranje i usvajanje Odluke o uplati dodatnih sredstava za održavanje svečane Skupštine;
 - g) Razmatranje i usvajanje završnog računa UPFBiH;
 5. Pravilnik o radu.
 6. Izvještaj o radu stručne službe UPFBiH;
 7. Imenovanje člana UO UPFBiH u Federalni fond za pomoć nastradalim područjima od prirodne nesreće na teritoriji FBiH;
 8. Imenovanje predstavnika UPFBiH u Odbor Agencije za javne nabavke BiH;
 9. Razmatranje i usvajanje Odluke o otpisu osnovnih sredstava;
 10. Razmatranje inicijative IMO JUNIOR za upućivanje zahtjeva MMF-u da se usvoje izmjene i dopune Pravilnika o PDV-u;
 11. Inicijativa Udruženja poslodavaca ZE-DO kantona za izmjenu Pravilnika o dimenzijama i ukupnoj masi i osovinskom opterećenju vozila, o uređajima i opremi koju moraju imati vozila i o osovinskim uvjetima koje moraju ispunjavati uređaju i oprema u saobraćaju na putevima;
 12. Upoznavanje sa projektom "MOJ PROIZVOD", koji ima za cilj jačanje bosanskohercegovačkih preduzeća;
 13. Tekuća pitanja.

Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa VI redovne sjednice UO

U vezi sa ovom tačkom dnevnog reda predsjednik UO- a je obavijestio članove UO UPFBiH da su dobili materijale za sve tačke dnevnog reda uključujući i zapisnik i zamolio da se izjasne da li imaju primjedbi.

Obzirom da nije bilo primjedbi nakon glasanja donesen je sljedeći:

Zaključak: Zapisnik sa VI redovne sjednice UO- a je jednoglasno usvojen.

Tačka 2. Razmatranje materijala za sjednicu ESV-a

Tačka 2.a

Informacija o trenutnom stanju Općeg kolektivnog ugovora za teritoriju Federacije BiH i granskih kolektivnih ugovora

Direktor UPFBiH Mladen Pandurević je prezentirao informacije o trenutnom stanju Općeg kolektivnog ugovora za teritoriju FBiH i granskih kolektivnih ugovora.

Potpisani su sljedeći kolektivni ugovori: Opći kolektivni ugovor, KU za djelatnost metalne industrije, KU za djelatnost prometa, KU za djelatnost komunalne privrede i KU za djelatnost drvne industrije, industrije papira i namještaja.

Kolektivni ugovori koji su u fazi pregovora: KU za djelatnost trgovine, KU za djelatnost finansija i KU za djelatnost građevinarstva.

Kod sljedećih kolektivnih ugovora je prekinut proces pregovaranja: KU za djelatnost tekstilne industrije i KU za hemiju i nemetal.

Kolektivni ugovori za koje pregovori nisu ni počeli, jer ne postoji reprezentativnost sindikata: KU za djelatnost ugostiteljstva i turizma, KU za djelatnost prerade hrane i KU iz oblasti grafičke industrije.

Tačka 2.b i 2.c

Prednacrt Zakona o porezu na dohodak i Prednacrt Zakona o doprinosima

Predsjednik Upravnog odbora UPFBiH Adnan Smailbegović je predložio da se raspravlja o obje tačke istovremeno, dakle i o Prednacrtu Zakona o porezu na dohodak i Prednacrtu Zakona o doprinosima.

Članovi UO UPFBiH su se osvrnuli na odredbu u Prednacrtu Zakona o porezu na dohodak kojom se regulira oporezivanje od 13% na mjesečnu osnovicu dohotka do 800,00 KM, odnosno godišnju osnovicu 9.600,00 KM i 20% na razliku mjesečne osnovice dohotka preko 800,01 KM odnosno godišnju osnovicu 9.600,00 KM.

Istaknuto je da nema razloga da se ide na ovo povećanje od 13%, te da je to samo način za punjenje budžeta. Sasvim dovoljno novca se prikuplja i dosadašnjim načinom oporezivanja. Adnan Smailbegović je istakao da povećanje poreza utječe na osnovicu, pa se samim tim povećava i osnovica za obračun doprinosa.

Također je konstatovano da je povećanje na 20% drastično zadiranje u osobni dohodak, poslodavci će teško moći pokriti troškove, a smanjenje plata radniku u toj mjeri nije realno.

Direktor UPFBiH Mladen Pandurević je istakao da će kod visokih plaća doći do znatno manjih opterećenja po osnovu doprinosa, u tom smislu je povećanje poreza realno, ali je neophodno od strane Vlade dostaviti obračun, odnosno simulaciju, pa tek onda govoriti o prednostima i nedostacima.

Vlada neće odustati od svojih stavova, potrebno je samo postići saglasnost da li je bolje ići protiv svega navedenog, ili ići na to da sve što se izgubi u ovom Zakonu tražiti da se nadoknadi na drugoj strani gdje su šanse mnogo objektivnije i realnije.

Primjer poreza na dohodak prikazan je na konkretnom primjeru, te je zaključeno da na plaću od 3500 KM do sada je porez bio 322 KM, a sada je 626 KM, dakle 304 KM više, ali su doprinosi manji za 150 KM, što znači da je ukupan efekat za poslodavca 154 KM. Međutim, kada je u

pitanju plaća od 890 KM, tu su obaveze veće za 51 KM. Tu se problem i nalazi, jer to predstavlja većinu plaća u realnom sektoru.

Tačka 2.d.

Nacrt Zakona o stečaju (sa osvrtom na presudu Ustavnog suda FBiH na ovaj Zakon)

Predsjednik UO UPFBiH je obavijestio članove UO UPFBiH o presudi Ustavnog suda FBiH o neustavnosti članova 33. i 40. Federalnog Zakona o stečaju.

Mladen Pandurević je istakao kako je UPFBiH imao predstavnika u radnoj grupi koja je radila na izradi Nacrta Zakona o stečaju, te da je on znatno poboljšan i da je dio amandmana usvojen.

Tačka 2.e.

Izvještaj o radu ESV-a u 2016. godini

Nakon rasprave doneseni su sljedeći zaključci:

A.D. 2.a. Upravni odbor UPFBiH je primio na znanje informaciju o stanju kolektivnih ugovora.

A.D. 2.b.2c.1. Neophodno je da Vlada uz Prednacrt Zakona o porezu na dohodak i Zakona o doprinosima dostavi obračun, odnosno simulaciju plata prema ovim prednacrtima, kako bi se na konkretnom primjeru vidio utjecaj ovih Zakona.

A.D. 2b.2c.2. UPFBiH će načelno podržati usvajanje Prednacrt pomenutih zakona da se upute u dalju Parlamentarnu proceduru uz zahtjev da se tokom trajanja procedure intenzivno radi na izmjenama članova koji ne idu u prilog poslodavcima. Također, UPFBiH će zatražiti da se istovremeno uz ova dva zakona razmatraju i izmjene slijedećih zakona:

- 1. Zakon o porezu na dobit**
- 2. Zakon o finansijskom poslovanju**
- 3. Zakon o računovodstvu i reviziji**
- 4. Zakon o profesionalnoj rehabilitaciji i zapošljavanju osoba sa invaliditetom**
- 5. Zakon o zdravstvenoj zaštiti**
- 6. Zakon o podsticajima**
- 7. Zakoni kojima se tretiraju parafiskalni nameti.**

Izmjenama navedenih Zakona došlo bi do olakšanja poslovanja i poboljšanja poslovnog ambijenta.

A.D. 2b.2c.3. Insistirati da primjena navedenih zakona bude 6 mjeseci nakon njihovog donošenja. Ovaj zahtjev opravdava neophodnost izmjena kolektivnih ugovora, ugovora o radu, i dr. pravnih akata.

A.D. 2b.2c.4. Kod Zakona o porezu na dohodak zahtjevati smanjenje postotka oporezivanja od 13% i 20% uz obrazloženje da je riječ o predimenzioniranim ciframa, te predložiti da se dio koji nije plata (topli obrok, prevoz, regres) oporezuje sa 10%.

A.D. 2b.2c.5. Organizirati okrugli stol, na kojem će prisustvovati poslodavci sa konkretnim prijedlozima i primjedbama koje će biti dostavljene Vladi FBiH.

Navedeni zaključci su usvojeni većinom glasova članova Upravnog odbora (14 glasova za) i jednim glasom protiv. Suzdržanih nije bilo.

A.D. 2.d. Iz dostavljenog materijala Upravni odbor UPFBiH nije mogao raspravljati o Nacrtu Zakona o stečaju, a pogotovo sa aspekta presude Ustavnog suda FBiH. Nakon sjednice ESV-a biće pripremljeno više informacija o ovom pitanju, a koje će dalje biti dostavljene Upravnom odboru UPFBiH.

A.D. 2.e. Prisutni su informisani o radu ESV-a.

Tačka 3. Razmatranje i usvajanje Amandmana Udruženja poslodavaca FBiH na Zakon o privrednim društvima

Članovi Upravnog odbora UPFBiH su upoznati da je formirana radna grupa za izradu Zakona o izmjenama i dopunama Zakona o privrednim društvima i da UPFBiH ima svog predstavnika u toj grupi. U Udruženju poslodavaca FBiH održana je sjednica Pravnog savjeta i dva sastanka sa članicama koje su dostavile svoje primjedbe, kako bi se detaljnije objasnila njihova namjera.

Primjedbe za koje se postigla saglasnost i dogovor na sjednici i sastancima da su opravdane i da doprinose boljem poslovnom ambijentu unešene su u već postojeće amandmane UPFBiH i postale su sastavni dio tih amandmana, a one koje nisu usvojene dostavit će se kao primjedbe koje su predložene od strane članica Udruženja poslodavaca FBiH.

Zaključak: Amandmani UPFBiH na Zakon o privrednim društvima su usvojeni jednoglasno. Amandmani će biti zastupani od strane imenovanog predstavnika UPFBiH na sjednicama radne grupe za izradu Zakona o izmjenama i dopunama Zakona o privrednim društvima.

Tačka 4. Održavanje XVI redovne Skupštine UPFBiH i svečane Skupštine povodom obilježavanja 15. godina rada UPFBiH

Tačka 4.a.

Razmatranje i usvajanje Odluke o utvrđivanju termina, mjesta i dnevnog reda za održavanje XVI Skupštine UPFBiH

Direktor UPFBiH Mladen Pandurević predložio je mjesto, vrijeme i dnevni red održavanja Skupštine. Riječ o 11.04.2017. godine sa početkom u 11.30 časova u Hotelu Holiday u Sarajevu. Za Skupštinu je predložen slijedeći dnevni red: Izbor verifikacione komisije, zapisničara i ovjerivača zapisnika; Razmatranje i usvajanje zapisnika sa XV redovne Skupštine UP FBiH; razmatranje i usvajanje prijedloga Izvještaja o radu UO UP FBiH za 2016. godinu (izvjestioc: Adnan Smailbegović, predsjednik UO), prijedloga Izvještaja delegacije ESV- a za 2016. godinu, (izvjestioc: Adnan Smailbegović, predsjednik UO), prijedloga Finansijskog izvještaja UPFBiH za 2016. godinu, (izvjestioc: Mladen Pandurević, direktor UPFBiH), prijedloga Programa rada UPFBiH za 2017. godinu, (izvjestioc Adnan Smailbegović, predsjednik UO), prijedloga Finansijskog plana UPFBiH za 2017. godinu, (izvjestioc: Mladen Pandurević, direktor UPFBiH), te razrješenje člana delegacije u Ekonomsko socijalnom vijeću i imenovanje novog člana, a Skupština bi se održala 11.04.2017. godine sa početkom u 11.30 časova u Hotelu Holiday u Sarajevu.

Tačka 4.b.

Razmatranje i usvajanje Odluke o održavanju svečane Skupštine povodom obilježavanja 15 godina postojanja UPFBiH

Direktor UPFBiH Mladen Pandurević je predložio i organizovanje svečane Skupštine povodom obilježavanja 15 godina postojanja UPFBiH. Predloženo je da to bude u hotelu Holiday, 11.04.2017. godine, sa početkom u 13 časova.

Tačka 4.c.

Određivanje sastava delegata za Skupštinu

Članovi UO UPFBiH su informisani o načinu određivanja sastava delegata za Skupštinu.

Prema Statutu UPFBiH i Kriterijima za izbor i imenovanje u organe Udruženja poslodavaca FBiH, Ekonomsko socijalnog vijeća FBiH i Asocijacije poslodavaca BiH Skupštinu čini 60 članova delegata. Izbor 40 delegata članova Skupštine vrši se na osnovu prijedloga kantonalnih grupacija na način da u Skupštini budu zastupljeni poslodavci sa područja kantona i to: Unskosanski kanton 1, Bosanskopodrinjski kanton 1, Srednjobosanski kanton 1, Zapadnohercegovački kanton 3, Hercegovačkoneretvanski kanton 4, Zeničko - dobojski kanton 7, Tuzlanski kanton 8, Sarajevski kanton 15.

Izbor preostalih 20 delegata Skupštine imenuje UO, nakon izbora delegata iz prethodnog člana, na način da će se obezbijediti da iz svakog Kantona bude delegiran po jedan delegat što znači da na osnovu toga bude delegirano 10 članova Skupštine UP FBiH, a po kriteriju plaćanja članarine, imenovat će 10 delegata.

Tačka 4.d.

Razmatranje i usvajanje Odluke o imenovanju Organizacionog odbora

Direktor UPFBiH Mladen Pandurević je predložio članove Organizacionog odbora za organizovanje svečane Skupštine povodom obilježavanja 15 godina postojanja Udruženja poslodavaca FBiH. Predloženo je da se u Organizacioni odbor imenuju:

1. Adnan Smailbegović, predsjednik
2. Mladen Pandurević, član
3. Rusmir Hrvić, član
4. Milenko Čolak, član
5. Edin Ibrahimpašić, član
6. Ante Suton, član
7. Mirko Vincetić, član
8. Mensur Brdar, član
9. Jasmina Kurspahić, sekretar.

Tačka 4.e.

Razmatranje i usvajanje Odluke o imenovanju Komisije za dodjelu priznanja

Direktor UPFBiH Mladen Pandurević je predložio da se Komisija za dodjelu priznanja imenuje u sastavu predsjednika Komisije, potpredsjednika Komisije, sekretara i 3 člana Komisije i to: Edin Ibrahimpašić, predsjednik, Mladen Pandurević, potpredsjednik, Ramiz Karić, Senid Gerin, Tomislav Slišković, Željko Marjanović, kao članovi i Jasmina Kurspahić, sekretar.

Tačka 4.f.

Razmatranje i usvajanje Odluke o uplati dodatnih sredstava za održavanje svečane Skupštine

Članovima UO UPFBiH je pojašnjen troškovnik koji su mogli preuzeti u materijalima za sjednicu UO UPFBiH, a na kojem se nalazi iznos koji je neophodan za organiziranje svečane Skupštine. Konačan iznos je 25.990 KM.

Tačka 4.g.

Razmatranje i usvajanje završnog računa UPFBiH

Članovi UO UPFBiH su u materijalima za sjednicu UO imali mogućnost uvida u bilans stanja i uspjeha UPFBiH za 2016. godinu, kao i izvještaj o gotovinskim tokovima.

Zaključci:

A.D. 4.a. Odluka o utvrđivanju termina, mjesta i dnevnog reda za održavanje XVI Skupštine UPFBiH je usvojena jednoglasno.

A.D. 4.b. Odluka o održavanju svečane Skupštine povodom obilježavanja 15 godina postojanja UPFBiH je usvojena jednoglasno.

A.D. 4.c. Odluka o određivanju sastava delegata za Skupštinu u skladu sa Statutom UPFBiH i Kriterijima za izbor i imenovanje u organe Udruženja poslodavaca FBiH, Ekonomsko socijalnog vijeća FBiH i Asocijacije poslodavaca BiH usvojena je jednoglasno.

A.D. 4.d. Odluka o imenovanju Organizacionog odbora je usvojena jednoglasno.

A.D. 4.e. Odluka o imenovanju Komisije za dodjelu priznanja usvojena je jednoglasno.

A.D. 4.f. Odluka o uplati dodatnih sredstava za održavanje svečane Skupštine je usvojena jednoglasno.

A.D. 4.g. Završni račun UPFBiH je usvojen jednoglasnom odlukom članova UO UPFBiH.

Tačka 5. Pravilnik o radu Udruženja poslodavaca FBiH

Direktor UPFBiH Mladen Pandurević je upoznao članove UO UPFBiH da je izvršeno usklađivanje Pravilnika o radu UPFBiH sa Zakonom o radu i sa Općim kolektivnim ugovorom iz 2016. godine. Izmjene se odnose na regulisanje visine toplog obroka, regresa i prevoza, u visini neoporezivog dijela, zatim mogućnost stimulacije, ali i destimulacije radnika. Izbačen je dio koji se odnosio na koeficijente, te niz drugih izmjena kako bi se postiglo usklađivanje sa pomenutim propisima. Obzirom da nije bilo novih prijedloga ni primjedbi na izlaganje, donesen je sljedeći

Zaključak: Pravilnik o radu UPFBiH je usvojen jednoglasno.

Tačka 6. Izvještaj o radu stručne službe UPFBiH

Direktor UPFBiH Mladen Pandurević je u kratkim crtama prezentirao rad stručne službe u 2016. godini, osvrnuvši se na podatak da je u protekloj godini organizovana sjednica izborne Skupštine, zatim 10 sjednica Upravnog odbora i 4 sjednice Izvršnog odbora.

Udruženje je bilo uključeno u izradu brojnih zakona na koje je pripremljeno amandmane, prilikom čega se vršila uporedno-pravna analiza i razna istraživanja. Na 20 zakona pripremljen je i obrađen 151 amandman.

Održano je 15 sjednica ESV- a za teritoriju Federacije i 6 sjednica ESV- a Kantona Sarajevo.

Pokrenut je i niz inicijativa i zahtjeva za reprezentativnost. Udruženje je pripremljivalo i organizovalo sastanke za kolektivna pregovaranja, potpisano je pet kolektivnih ugovora.

Tokom 2016. godine osnovana je i grupacija poslodavaca Tuzlanskog kantona i održano je pet izbornih Skupština drugih Grupacija. Sarađivalo se i sa raznim institucijama i ministarstvima, organizovale brojne press konferencije, okrugli stolovi, te se redovno objavljivale brojne aktivnosti putem web stranice. Udruženje poslodavca FBiH je u toku 2016. godine postalo partner na nekoliko projekata.

Tokom 2016. godine Udruženju je pristupilo 97 novih članica, te je upućeno 311 dopisa od strane stručne službe UPFBiH.

Zaključak: Članovi Upravnog odbora UPFBiH su primili na znanje informaciju o radu stručne službe UPFBiH.

Tačka 7. Imenovanje člana UO UPFBiH u Federalni fond za pomoć nastradalim područjima od prirodne nesreće na teritoriji FBiH

Direktor UPFBiH upoznao je članove UO UPFBiH da je Upravni odbor je na svojoj IV sjednici, održanoj 19.09.2016. godine u Zenici, prihvatio ostavku Safudina Čengića uz zaključak da će imenovanje novog člana UO Fonda za sanaciju posljedica od poplava u FBiH izvršiti nakon što Vlada dostavi informacije o daljem radu i statusu Fonda.

Naime, Safudin Čengić je u pomenuti Fond imenovan kao Predsjednik UO UPFBiH. Nakon imenovanja novog Predsjednika UO UPFBiH, gospodin Čengić je zatražio da bude razriješen funkcije člana UO Fonda za sanaciju posljedica od poplava u FBiH.

UPFBiH se dopisom broj I- 255/16 obratilo Vladi FBiH sa zahtjevom da nam dostave zvaničan stav Vlade o statusu i aktivnostima Fonda za sanaciju posljedica od poplava, kako bi Udruženje poslodavaca u FBiH moglo pokrenuti aktivnosti i donijeti Odluku vezano za dalji rad u UO Fonda.

Vlada FBiH se se obratila Udruženju poslodavaca FBiH dopisom broj: 01-49-1493-1/16 u kojem je navedeno da je Premijer član pomenutog Fonda i da ne odlučuje samostalno o statusu i aktivnostima Fonda, već preko Upravnog odbora, te je predložila da Udruženje poslodavaca imenuje novog člana.

Obzirom da nije bilo nikakvih primjedbi od strane članove UO UPFBiH, donesen je sljedeći

Zaključak: Odluka o imenovanju Adnana Smailbegovića na funkciju člana UO Fonda za sanaciju posljedica od poplava u FBiH je usvojena jednoglasno.

Tačka 8. Imenovanje predstavnika UPFBiH u Odbor Agencije za javne nabavke BiH

Direktor UPFBiH je upoznao članove UO UPFBiH da je dana 03.02.2017. godine Udruženje poslodavaca FBiH zaprimilo dopis broj 01-50-1-5011-13/16, a kojim se Udruženje poziva da imenuje tri predstavnika u Odbor Agencije za javne nabavke BiH, vodeći računa da predstavnici imaju iskustva u oblasti javnih nabavki kao i o nacionalnoj i polnoj strukturi predloženih članova, kako bi Vijeće ministara BiH imenovalo člana Odbora ispred našeg Udruženja.

Shodno navedenom, Udruženje predlaže Mladena Pandurevića, Mersiha Jusić i Zlatana Dedića. Također, vodilo se računa da to ne bude neko iz članica Udruženja, iz razloga što bi u tom slučaju moglo doći do sukoba interesa u slučaju raspisivanja tendera za javne nabavke, ukoliko bi član u ovom Odboru bilo lice koje se prijavljuje na tender.

Obzirom da nije bilo nikakvih primjedbi na prijedlog ove Odluke donesen je sljedeći

Zaključak: Odluka o imenovanju Mladena Pandurevića, direktor Udruženja poslodavaca FBiH, Mersiha Jusić, sekretar Udruženja poslodavaca FBiH i Zlatana Dedića, koordinator za marketing i članstvo Udruženja poslodavaca FBiH u Odbor Agencije za javne nabavke BiH je usvojena jednoglasno.

Tačka 9. Razmatranje i usvajanje odluke o otpisu osnovnih sredstava

Direktor UPFBiH je upoznao članove UO UPFBiH da su njemu dana 24.10.2016. godine, a radnici Vedrani Živković dana 15.10.2017. godine otuđena dva službena laptopa, te je iznio prijedlog Odluke o otpisu osnovnih sredstava.

Obzirom da nije bilo primjedbi na ovu tačku dnevnog reda donesen je sljedeći

Zaključak: Odluka o otpisu osnovnih sredstava je usvojena jednoglasno.

Tačka 10. Razmatranje inicijative IMO JUNIOR za upućivanje zahtjeva MMF-u da se usvoje izmjene i dopune Pravilnika o PDV-u

Mirko Vincetić je upoznao članove UO UPFBiH sa ovom inicijativom koja se odnosi na upućivanje zahtjeva MMF- u da se usvoje izmjene i dopune Pravilnika o PDV- u, kao jedan od uslova za dalju implementaciju važećeg aranžmana sa MMF- om.

Zaključak: Organizira se sastanak na kojem će se formirati tim koji će se obratiti MMF- u sa pomenutim zahtjevom.

Tačka 11. Inicijativa Udruženja poslodavaca ZE-DO kantona za izmjenu Pravilnika o dimenzijama i ukupnoj masi i osovinskom opterećenju vozila, o uređajima i opremi koju moraju imati vozila i o osovinskim uvjetima koje moraju ispunjavati uređaju i oprema u saobraćaju na putevima

Vladimir Franjić je upoznao članove UO UPFBiH sa ovom inicijativom, koja se odnosi na izmjenu stava 3. člana 46. pomenutog Pravilnika na način da se u stavu 3. definira slijedeće: *Stakla na*

vozilu ne smiju se ni nakakav način dodatno zatamnjavati (postavljanjem folija ili dodatnim bojenjem stakla), izuzev zadnjeg stakla službenih (privrednih) vozila i bočnih stakala autobusa.

Obzirom da nije bilo nikakvih primjedbi ni prijedloga donesen je sljedeći

Zaključak: Zadužuje se stručna služba Udruženja poslodavaca FBiH da učini dalje korake i uputi zvaničnu inicijativu za izmjenu pomenutog Pravilnika.

Tačka 12. Upoznavanje sa projektom "MOJ PROIZVOD", koji ima za cilj jačanje bosanskohercegovačkih preduzeća

Direktor UPFBiH Mladen Pandurević je upoznao članove UO UPFBiH sa projektom „MOJ PROIZVOD“, koji ima za cilj jačanje bosanskohercegovačkih preduzeća, tačnije stvaranje pozitivne slike o bh. privrednom sektoru. Planirani početak projekta je mart 2017. godine. Projekat uključuje godišnje promocijsko praćenje rada klijenta u skladu sa potrebama za promocijom i objavama.

Sjednica se završila u 13:30 sati

Zapisnik sačinila: Jasmina Kurspahić

Predsjednik UO

Adnan Smailbegović